


17 November 1998



Sr. Rudy Croes 10 añ den politica

Comision Pro Rudy ta felicita

Movimiento Electoral

di Pueblo

cu celebracion di 10 añ

den politica di un gran yu di tera cu a
sa di demostra corahe,

responsabilidad y determinacion.

Sr. Hyacintho Rudolfo

(RUDY) Croes

Rudy masha masha pabien.

Den nomber di tur su votadonan y
particularmente di nos Comision.

Nos ta gradici Rudy pa su bon
trabaoonan cu el a haci durante su
trayectoria politico

U'e cu awor aki y

Ta nos ferviente oracion cu e Espiritu
Santo di Dios ta e luz cu lo sigui ilumi-
na su caminda cu lo guia nos. Aruba pa e
rumbo cu nos tur ta desea

DANKI RUDY

Comision Pro Rudy

DECISION PA DRENTA POLITICA

Tabata un diarazon, 26 november 1986 madruga pa 3:30 a.m. cu a drenta e triste noticia di fayecimento di Betico, despues di a permanece den coma pa 11 luna largo pa motibo di un accidente di trafico na vispera di nos Status Aparte. Aruba y M.E.P. a perde nan Lider stima. Su famia y su pueblo tabata inconsolable.

Durante e largo periodo cu Betico e keda den coma y apesar cu tur hende tabata carga e speranza cu e lo recupera, ya caba varios persona a aserca Rudy pa e cuminsa pensa riba e posibilidad pa aparece riba lista ya cu dokternan a bisa cu si Betico sali for di coma mes, e posibilidad ta existi cu quizase no por sigui eherce su funcion mas.

Pero Rudy tabata convenci e tempo ey, conociendo e forza di boluntad di su ruman cu e lo recupera totalmente. Lamentablemente nos Creador a dicidi otro y Betico a bai laga nos.

Apenas un par di ora despues di su morto sugerencianan a drenta serca Rudy di un par di lider pa e drenta politica pa e yuda Partido termina cu e lucha. Pero Rudy a nenga atrobe, pasobra aunque semper e la lucha schouder cu schouder cu su ruman, toch na e momentonan ey esaki no tabata su aspiracion.

Na januari 1987 Rudy a biaha pa Bonaire riba invitacion di e isla aki en conexion cu nombramento di un caya na nomber di Betico. Y tabata akinan cu su rumannan y otro familiares a papia seriamente cu ne y pidi'e pa e acepta e reto nobo aki. E motibonan pakico e no tabata kier a acepta tabata varios e.o.

1. Su trabao na laboratorio tabata uno responsabel ademas di tabata e profesion cu el a studia p'e y cu e tabata ejerciendo pa casi 20 aña caba e tempo ey.

2. E no tabata desea pa su mayornan sigui soporta mas sufri-

mento di tin otro yui den politica. E momentonan di tristeza, intimidacion y sufrimento cu su mayornan mester a soporta durante accionan di augustus '77, cu riot commando a drenta nan hogar, ora Betico a worde injustamente cera, ora Betico a worde tira y por ultimo ora Betico a haya e desgracia di auto fatal, ta momentonan tristo cu lo keda graba den nos curazon pa semper.

Manera e mama di Rudy mes a bisa ora Rudy a particip'e cu nan kier pa e aparece lista:

"Mi yui, cualquier sea bo decision, mamá ta cu bo, pero mamá su cura-



zon no por soporta mas dolor." Sinembargo e presion pa Rudy drenta politica a bai ta aumentando y finalmente na oktober 1987, nos lider Nel Oduber a pidi Rudy pa e subi lista di Movimiento Electoral di Pueblo. Y aki ta unda cu Rudy a realiza cu ta imposibel pa e sigui rechaza e responsabilidad cu como Arubiano y co-fundador di Movimiento Electoral di Pueblo, tabata su deber y obligacion di acepta.

Na mei 1988 na cas di mr. Rudy



Wever, e presentacion oficial di Rudy Croes como politico a tuma lugar.

Y dia 17 di november 1988, entrega-mento di lista politico pa eleccion riba 6 di januari 1989, Hyacinto Rudolfo Croes a aparece prome vez riba lista di M.E.P. como no. 5, obte-

obtene 2.467 votos. Pero atravez di e añanan nos tur ta realiza cu Rudy tabatin razon, pasobra danki na e periodo den Parlamento ey cu Rudy a demostra di ta un politico di caliber cu no tabata tolera ni acepta ningun amenaza contra nos patrimonio. Ademas ela percura pa varios cambio di ley.

Na 1993 Rudy a bira Ministro di Husticia, cual funcion ela ejerce pa solamente un aña y mei. Sinembargo e bon trabao cu ela haci durante e periodo aki ta obvio mirando e resultado di eleccion na 1994 unda ela obtene 3.624 votos.

Ultimo eleccion dia 12 december 1997 Rudy a obtene 1.982 votos! Hopi factor a influencia e resultado, pero nos di Comision Pro Rudy ta haci un apelacion na Rudy pa e permiti su mes continua cu su excelente labornan, pasobra e lucha no a termina ainda. Nos ta apoya bo totalmente y ta sostene bo pensamiento cu Status Aparte ta un fase transitorio pa Independencia den un mancomunidad cu Hulanda. Ademas bo



niendo 4.707 votos.

Apesar di a haya e gran cantidad di votonan aki, Rudy no a acepta puesto di ministro, pero a scoge pa bira miembro di Parlamento y asina bai gana experiencia politico eyden. Pero e decision aki no a carga e aprobacion di hopi votador cu kier a mira Rudy den un funcion di Ministro, y e disgusto aki nos a wak tambe den e resultado di e eleccion siguiente na 1993, unda Rudy a

contribucion na nos Partido ta uno hopi valioso.

Bo a percura pa mantene bibo e contacto internacional y awe danki na bo peseverancia y dedicacion Movimiento Electoral di Pueblo ta miembro completo desde 1991 di Social Demócrata Internacional y di COPPPAL.

Asina ta no tin marcha atras. P'adilanti nos ta bai



CURRICULUM VITAE

NOMBER : HYACINTHO RUDOLFO CROES
NACI : ARUBA, 5 DI SEPTEMBER 1946
ADRES : ROOI TAKI 14-A
ESTADO CIVIL: CASA
JIU(NAN) : 4
PROFESION : ANALISTA

EDUCACION

Skol Basico : Colegio San Jose/Tarcicius College
 Mulo : Sta. Rafael's Mulo, Den Bosch N.B. (Hulanda)

Analistenschool na Oss, Hulanda, a gradua na 1969

Licencia di Piloto Priva

IDIOMANAN : Papiamento, Hulandes, Ingles, Spanjo y Frances

REPRESENTACION Durante su estudio a traha na Organon, na Oss, Hulanda, den Afdeling "Microbiologie Research."

A TRAHA

1969-1989 : Landslaboratorium, afdeling Microbiologia, den e rango di Analyst, Analyst I y Hoofdanalist
 1973-1974 : Estudio Pharma-Microbiologie y hefe Laboratorio alavez produccion Laboratorios LETI, Caracas, Venezuela

TERRENO POLITICO

1989-1993 : Miembro di Parlamento:
 Lider interino Fraccion di MEP
 Presidente Comision Contactonan Interparlamentario
 Presidente Comision Asuntonan Estatal y Cooperacion entre Antiyas y Aruba
 Presidente suplente Comision Europa 1992
 Miembro Comision Asuntonan di Reino
 1993-1994 : Ministro di Husticia y Deporte
 A inicia e proceso pa Guardacosta
 A instala e Comision Guardacosta na Aruba
 1994 -t'e awe : Mienbro di Parlamento:
 Presidente Comision Orden Publico y Seguridad
 Miembro Comision Asuntonan di Reino y Relacionnan di Exterior
 Miembro Comision Contactonan Interparlamentario
 Miembro Comision Asuntonan Estatal y Cooperacion Antiyas y Aruba
 Miembro Comision di Transporte y Comunicacion
 Miembro Comision Extra-ordinario di Independizacion di Parlamento di Aruba



1989-1998 : Secretario pa Asuntonan Internacional di M.E.P.

1996-1998 : Presidente di Movimiento Electoral di Pueblo



TERRENO SOCIAL

Na edad di 7 aña e tabata misdienaar na Misa di Sta. Cruz
 Na edad di 9 aña e tabata cantante di Koor di Misa di Sta. Cruz
 Na edad di 12 aña Campeon Hubenil di Ping Pong
 Ex-Presidente di e team di volleyball di Estrella
 Fundador di S.V. Laboratorium, cu a participa den Volleyball, Ping Pong, Domino, Biljart, Softbal, Tennis y futbol di Sala.
 Prome persona encarga cu Dienstgroep Laboratorio
 Miembro di Directiva y referee oficial di Aruba Table Tennis Association
 Ex-miembro di Directiva di Aruba Volleyball Association
 Ex miembro di Directiva di Aruba Lawn Tennis Bond
 Ex miembro di Directiva di Aruba Sport Unie
 Ex miembro di Directiva di CITRO (Citizen Rescue Organization)
 Miembro Korfbal Bionic
 Ex-coordinador di Television y Director musical di Miss Teenage Intercontinental
 Ex-Presidente Teen Princess Aruba
 Co-Fundador/miembro directiva/Presidente The Champs Tennis Club
 Ex hungador di Eagle Tennis Club
 Ex hungador di Diario Racketeers Softball
 Ex Presidente Youth Aruba Lawn Tennis Bond
 Co Fundador STAR Volleyball Team
 A bin cu e iniciativa TIHTA (Torneo Internacional Hubenil Tennis Aruba)
 Como piloto a compania Kenneth Croes den su hazaña pa landa bai Venezuela
 Co-Fundador Movimiento Electoral di Pueblo
 Co-Fundador y miembro/Lider di e grupo di dande "Grupo di Betico"

MENSAHE DI NOS LIDER SR. N.O. ODUBER

Pa mi ta un honor y placer pa duna mi contribucion na un momento special, unda un colega di partido ta celebra 10 aña activo den politica.

Ta conoci cu nos prestigioso partido a ser funda dia 9 di februari 1971 door di awe nos lider den feliz memoria, nos Libertador Betico Croes.

Desde cu nos Lider a haya un accidente y a keda casi un aña den coma y despues a fayece dia 26 di november 1996 nos partido a pasa den tempo-nan dificil.

No tabata facil pa reemplaza un lider grandi no solamente di M.E.P., pero di henter e pueblo.

Pero yegando aña 1988 cosnan ca cuminsa bira hopi positivo pa MEP y nos a cuminsa aserca personanan pa subi lista pa prepara pa cualkier eventualidad.

Un di e personanan ta awe nos candidato number 2 ariba lista esta colega, sr. Rudy Croes.

Logicamente tabata necesario pa nos tabata tin un familiar ariba lista, mirando nan contribucion grandi na politica di MEP y nos pais en general. Fuera di esey ta un familia hopi grandi mes y cu un stimacion grandi pa nos partido y nos pais. Den promer salida caba ariba lista sr. Rudy Croes a demostra su forza y sosten grandi politico cu e tin. Pueblo a dunele un apoyo hopi grandi.

Despues di e resultado di eleccion di januari 1989, unda nos a casi saca 11 asiento, nos partido a aserca colega Rudy pa bira ministro, pero e a prefera pa busca y adquiri experiencia den Parlamento, pa despues asumi cualkier otro responsabilidad den gobernacion.

Den Parlamento desde 1989 pa 1993 e a hiba un politica leal pa cu Gobierno Oduber, unda e a haci muy en particular e trabaonan ariba terreno di estructura estatal y e parti cu e tabata presidente pa e preparacion nan pa plan di contacto entre Hulanda, Antiyas y Aruba. Tambe a hiba un lucha fuerte pa locual ta trata criminalidad, esta e lucha contra droga y labamento di placa.

Despues di eleccion 1993 partido a aserca colega Rudy pa tuma parti den gobierno como Ministro di Husticia y Deporte, unda e a desplega un bon trabao, apesar di e periodo cortico di Gabinete Oduber II, esta te fin di agosto 1994.

Deporte a conoce un bon epoca durante cu colega Rudy tabata Ministro, pasobra e mes pa hopi aña tabata un deportista y a guia hopi hende tambe den e bon caminda, esta stimula nan pa practica deporte pa crea un mente sano.

Nos a bay oposicion desde 1 di september 1994 y desde e periodo aki hasta awe nos tin un tremendo cooperacion entre e miembronan di fraccion den Parlamento, Den partido colega Rudy tabata presidente di partido y a representa nos hopi tempo internacionalmente.

Su contribucion na reorganizacion di nos partido tabata hopi grandi y fruta di su bon trabaonan nos por a mira cu e gran congreso "MEP Padilanti" di 18 di oktober ultimo.

Den Social Democra Internacinal e a representa nos partido cu tur honor y a percura pa "Siclac" tuma lugar na Aruba, unda nos prestigioso partido a trece hopi figuranan importante di e mundo politico internacional di Social Democra nan na Aruba. Algo hopi grandi y historico.

Nos a veces tin nos diferencianan, pero semper e lucha pa sirbi nos pais na e mihor manera y e stimacion grandi pa nos partido a trece nos semper hunto den e bon direccion. M.E.P. ta un partido democratico, unda tur tin e derecho di tin nan opinion, pero teniendo cuenta e liña di maneho y meta di partido.

Compañero Rudy masha pabien y hopi mas aña den politica y cu Dios Todopoderoso drama su bendicion ariba Bo y Bo familia pa hopi pasenshi, perseverancia den e mundo politico di nros pais. Politica a bira un arte special, unda e ta exige cada dia mas di nos.

Danki pa tur locual t'e awor Bo a haci pa nos prestigioso partido Movimiento Electoral di Pueblo y lo continua haciendo.

Lider di Movimiento Electoral di Pueblo

Aruba, November 1998



Mensahe di Ruben D.J. Franken, M.Sc.

Mi a conoce Sr. H.R. (Rudy) Croes dia 1 di december 1981, dia cu mi a cuminsa traha na Landslaboratorio.

Mi a caba di gradua pa mi Master of Clinical Laboratory Science na augustus e aña ey. Rudy tabata traha como analista primer clase na e departamento di microbiologia. Mi specializacion tabata primeramente den Quimica Clinica, pero mi tabatin suficiente conocimiento den microbiologia pa cual motibo Dr. Willem Bouwer, e hefe di Landslaboratorio Aruba e tempo ey, cu ainda nos tabata pertenece na Antiyas Hulandes, a duna mi e encargo di e departamento di Laboratorio cu ta na playa cualnan ta microbiologia y Serologia/immunologia. No tabatin un Bacteriologo-serologo. Asina mi a bira e hefe directo di Rudy Croes na e departamento ey y nos, naturalmente cu cooperacion di tur e otro empleadonan a haci tur local cu tabata na alcanse e tempo ey pa trece cambianan y mehoracionnan den e systema di haci e trabaonan, tanto riba e terreno tecnico-analytico como riba e parti di documentacion y rapportage y distribucion di e resultadonan clinico y esnan pa Servicio di Salubridad (Gezondheidsdienst).

Hopi biah Rudy Croes y pues e Laboratorio tabata ricibi bon cooperacion for di departamentonan na Corsow. Rudy tabata y t'e ainda conoce bastante personanan clave aya na Corsow, pa motibonan conoci y tambe door di e facilidad cu e tin pa haci conoci y sera amistad cu hende en general y tambe pa delibera riba diferente aspecto y mayoria bes e ta logra convence otronan.

Semper Rudy tabata dispuesto pa atende problemanan di tur persona cu acudi serca dje sea colega of no, si nan tabatin problema of stagnacion den e procedimentonan di peticionnan pa un cu otro beneficio etc. sea aki mes of na Corsow of pa cualkier otro motibo.

Nos a conoce tambe un temporada cu problema cu awa, e tempo di renobacion di WEB, promer cu e a worde independiza pa bira WEB NV y e tempo ey Rudy tabata tur ora disponibel pa bai unda sea, riba barconan, na rieuw Orinoco y otro sitionan pa coi muestreanan di awa pa trece na Laboratorio pa worde investiga prome cu WEB haya luz berde pa cuminsa e proceso pa haci e awa disponibel na e poblacion.

Tambe Rudy tabata forma parti di e "Rescue-Team" cu avioneta y tabata participa bastante den busqueda di hendenan perdi.

Asina mi por sigui menciona varioso otro casonan of situacionnan den cual Rudy semper tabata cla pa duna e servicio cu tabata worde spera di dje y mas cu esey.

Sigur Rudy tabata un fuerte campañador di MEP, pero esey no tabata worde nota na trabao, definitivamente no na Laboratorio na Playa ya cu E tabata sa cu ami no ta tolera campañamento na trabao, ni promer, ni despues cu e a drenta politica y di ningun parido. Si tolera un ta tur mester tolera!

Na augustus 1988 Rudy a cuminsa entretene e idea di drenta politica, despues cu Staten a worde disolvi y cu lo bin eleccion na fin di aña. Wel, e ora Rudy a trece na mi conocimiento e posibilidad di cu e lo drenta politica y a puntra mi opinion tocante esey. Mi no a duda ningun rato pa dune e curashi pa bira politico, ya cu mi ta kere (t'e ainda) cu si un hende ta pensa so caba di bai den politica, ta pasobra e ta kere cu esey ta algo p'e y cu e ta weita cu como politico e lo por haci diferencia pa e comunidad en general, Rudy a pense bon y a worde encurasha pa masha hopi hende mes pa drenta politica y e a subi lista di MEP pa e eleccionnan di Januari 1989.

E a sali for di Landslaboratorio como Hoofdanalist cu casi 20 aña di servicio exitosamente!

Pa medio di esaki mi kier felicite y expresa na dje mi deseonan pa hopi mas aña exitoso den politica aki na Aruba.

6 November 1998



SECRETARIO INTERNACIONAL M.E.P. 1989-1998

Na 1989 Rudy a keda eligi como secretario pa asuntonan internacional di Partido.

E tarea aki no tabata uno facil, comokiera cu bo tin un responsabilidad riba terreno internacional pa cu bo partido.

E tempo ey Movimiento Electoral di Pueblo tabata miembro consultativo di Social Democra Internacional y di COPPPAL (Comision Permanente de Partidos Politicos America Latina).

E historia di nos lucha ta conoci, con Betico mester a cruza fronteranan pa nos lucha haya reconocimiento.

Y ta danki na e contribucion valioso di e contactonan internacional aki cu nos a kibra e cadena di esclavitud pa nos dushi Aruba a ser salba y cu nos a logra nos Status Aparte.

Pues Rudy a estrecha e lazonan internacional aki y a percura pa Movimiento Electoral di Pueblo bira miembro completo di tanto Social Democra Internacional como di COPPPAL na aña 1991.

Mesun aña aki a worde teni na Aruba un conferencia di SICLAC, cu ta e comision pa America Latina y Caribe di Social Democra Internacional. Na e conferencia aki a acudi un cantidad grandi di politiconan renombra e.o. Jose Francisco Peña Gomez (q.e.p.d.) cu tabata e Presidente di e Comision ey.

Awe no solamente Movimiento Electoral di Pueblo pero ARUBA por conta cu amigonan manera

Rodrigo Borja, ex Presidente di Ecuador, Felipe Gonzalez, Ex Presidente di Spanje, Shimon Peres ex Prome Ministro di Israel, Ruben Berrios di Puerto Rico, Anselmo Sule di Chile, Guillermo Ungo di El Salvador, Pierre Muoroy di Francia, Don Martina di Corsow, Jopie Abraham di Bonaire y asina nos por sigui menciona personaje clave den historia di nan Pais y cu a sa di duna nan contribucion na e lucha di Aruba.



PRESIDENTE DI PARTIDO PERIODO 1996-1998

Durante e periodo di su presidencia Rudy a percura pa e restructuracion di partido.

Esaki tabata encera cu ela bin cu e iniciativa pa re-organizacion completo di tur directiva cu ta compara cu un neishi di haraña den henter Aruba. Pues den tur skina di Aruba tin un representante di Movimiento Electoral Pueblo.

Prome cu e restructuracion aki tabatin 13 directiva (uno pa cada distrito), pero Rudy a cambia esaki den 50 directiva. Un directiva pa cada urna electoral. Y e miembronan di cada directiva mester ta biba tambe den e barrio ey y ta vota tambe na e urna electoral ey. Tambe a keda institui un directiva di Dama y un directiva di hubentud.

Y a structura esaki tambe cu cada dos luna (6x pa aña) tin un consejo extra ordinario, na unda tur e presidentenan di urna electoral ta reuni cu Consejo di Partido pa asina garantiza un participacion real den Movimiento Electoral di Pueblo.

Ademas di e Consejo extra-ordinario tin tambe Congreso di Partido, cu ta reuni un bez pa aña, Consejo di Partido cu ta reuni semanalmente y por ultimo Directiva di Partido cu ta reuni regularmente tambe.

Logronan y iniciativanan como Ministro di Husticia y deporte durante e periodo 1993-1994:

DROGA

1. Guera total a worde declara contra e maldita droga y narcotrafico. A exige pa Hulanda pone marinieran y equiponan di guardacosta Pa combati narcotraafico na nos costanan.
2. Estudio pa introduci un "dopetest" pa deporte en general.
3. Estudio pa introduci un "drugtest" pa tur empleadonan publico, Taxistanan, chofernan di bus y autobus, pilotonan di lineanan Aereo Arubiano.
4. Riba su iniciativa a logra acuerdo entre ministronan di Husticia di Reino pa combati criminalidad interregional y internacional.
5. A duna sosten total, moralmente y financieramente na SAMBA (Fundacion pa trata y rehabilita victimanan di alcohol y droga)
6. A instala un grupo di trabao, FADA-SAMBA-Ministerio Publico Pa studia y traha un linea di maneho nobo riba prevencion, represion Y rehabilitacion pa cu drogadiccion y alcoholistanan.
7. Permisonan pa bandanan extranhero duna show pa nos hubentud Ta mara na e exigencia cu un representante di FADA/PRIDE ta duna Un mensahe/discurso riba terreno di combatimento y prevencion di droga

DEPORTE


Maneho total riba riba tereno de deporte!

Manera Rudy a pone lema e tempo ey :Deporte , arma mas pisa y eficaz contra droga.

1. A pone mas iluminacion pa mas terrenonan de deporte rond di Aruba
2. Terminacion di Compleho Deportivo Guillermo P. Trinidad
3. A inicia cu reconstruccion y ampliacion di Sporthall, awor Centro Deportivo Betico Croes na Sta. Cruz cu riba su iniciativa a haya e nomber na memoria y como reconocimiento na e persona cu a percu ra pa existencia di e Sporthall y kende por cierto tambe a pone e prome piedra di dje, cu ta sr. Betico Croes q.e.p.d.
4. Semper a trata di ta presente na tur actividadnan deportivo pa acen tua y stimula e balor di deporte pa cu combatimento di droga.
5. A logra cu Coastal Aruba a haci un donacion di Afl. 632.000.= pa reconstruccion di San Nicolas Sportpark, cu a bira Joe Laveist Ballpark
6. Plannan y estudio pa expansion y modernisacion di Compleho Deportivo Frans Figaroa
7. Sistema di iluminacion a ser poni den funcion riba varios terreno di bala manera Veld di Winston, Duracell, Brazil, R.C.A., Universal, Aruba Jrs.

EXTRANHERONAN

1. Combati cu determinacion e problema di ilegalnan
2. Maneho nobo pa cu maneho di labor. Arubiano prome, despues ciu dadananan di Reino
3. Ex-presos extranhero mester bandona Aruba, e ta bira un persona non-grata y no por Drenta Aruba nunca mas.



4. Departamento Asuntonan Extranhero a ser estableci pa un maneho eficiente y miho equipa pa cu admision di extranhero.
5. A hiba un maneho estricto pa cu admision di extranhero pa asina pro teha, conserva nos cultura Nos idioma papiamento, nos moralidad y nos sistema familiar Arubiano.
6. Domina Papiamento a bira un obligacion despues di 2 aña.

PRESENTACION DEN PARLAMENTO

Projectonan grandi di ley aproba pa Parlamento di Aruba: L.A.R., pa evita abuso di decisionnan di gobierno contra nos pueblo. Tapmento di telefon pa combati traficacion di droga y labamento di placa y pa seguridad interno di nos isla.

A percura pa pone toque final na codigo di procedura penal y varios otro ley e.o. MOT, LOT.

OTRO LOGRONAN/INICIATIVANAN

1. Maneho nobo pa cu uso di auto di gobierno.
2. A kita uso di paspoort pa Arubianonan y Antiyanonan cu ta biaha entre Antiya y Aruba
3. Cambio di horario pa cu cierre de casinonan pa kita e mal nomber cu Aruba ta un "gamble-island".
4. Cierre di establecimentonan nocturno ta bai ser regula.
5. Den su ministerio a pone tur ambtenaar, cu tabata cobra sin traha, cu nan aprobacion y satisfaccion na trabao atrobe.
6. A demostra su boluntad y bondad pa cu e polisnan, trahadornan di KIA, bomberonan pa Dialoga, razona y a yega na solucionnan durante huelga. Semper ta dispuesto pa scucha trahadornan, sin distincion di raza, religion o color politico.
7. CEA (Cuerpo Especial Arubiano) ta proximamente funda pa yuda nos cuerpo policial den Combatimento di droga, yuda nos cuerpo di bombero ora di candela grandi, tambe lo controla riba sushamento di Aruba.

COMISION NACIONAL DI LIMPIEZA

Un otro meta di Rudy desde su entrada den politica ta di concientiza e pueblo pa mantene Aruba limpi.

Desde 1990 bao di su liderazgo e comision nacional di limpieza ta hiba un campaña y lucha pa mantene Aruba limpi.

Rudy a mira e necesidad pero tambe e responsabilidad como Arubiano pa tuma e iniciativa pa haci varios lugarnan limpi manera p.e. den Rooi Frances, E caminda di Sanfuego pa Boca Prins, Dos Playa etc.

Aruba ta di nos, si nos mes como Arubiano no mantene nos isla limpi, ta kende lo haci'e.

Aruba ta e destino turistico mas gusta den Caribe, asina ta laga nos no bacila m'a continua pa cuide y preserve, pasobra esaki ta nos deber y obligacion..

UN DI E TANTISIMO DISCURSONAN DI RUDY CROES DURANTE CAMPAÑA ELECTORAL 1997

Ultimo shen aña Aruba a pasa den un cambio historico, un cambio di un isla pover y humilde pa uno economicamente fuerte para. Hopi cosnan cu antes nos bieuwnan, abuelonan tabata anhela pa por tin, hopi di nos awendia no ta ni para keto un rato y aprecia loke nos tin.

Hasta un di e virtudnan mas importante, fuerte y digno cu ta trabao, ta awe den abundancia compara cu na comienzo di e siglo aki, cu esaki no tabata disponibel y nos bieuwnan mester a bai Cuba, Colombia y Paisnan den vecindario pa gana nan pan. Sinembargo asina nan tende cu un tiki awacero a cai, nan ta regresa pa planta pa asina nan famia tin algo di come.

Hasta awa cu ta asina primordial pa bida, tabata algo cu nos hendenan di antes no por tabatin na abundancia.

Pero kico nos ta waki awe, hopi di nos no ta aprecia loke cu sudor y sanger a ser logra, pero ta desperdicia y desprecia hopi biaha e logronan aki.

Hopi ta puntra:

- * E Arubiano, cu un conviccion fuerte den progreso di su pias, cu ta stima su baranca y lo lucha cu curpa y alma pa mantene su identidad, honor y respet, ta existi ainda?
- * E Arubiano, cu ta integro, cu no ta sucumbi pa intimidacion, cu ta para fuerte den su zapato pa su derecho y no ta pidi favor di ningun hende, sino ta pone su fe den nos Creador, ta existi ainda?
- * E Arubiano, humilde, sincero, trahado balente cu no tin miedo pa trabao kico e ta o con duro e trabao ta, ta existi ainda?

Y ki hubo di e Arubiano cu no ta acepta limosna, pero ta traha duro pa su pan di cada dia, cu no ta ser cumpra cu nada ni con balor e tin, cu no ta bende su patrimonio cu e a traha duro pa e por duna su juinan, ta existi ainda?

Awor e Arubiano cu ta yuda su bisiña, su amigonan ora di mester, cu ta comparti compasion den oranan dificil, cu conhuntamente ta yuda bo traha bo cas, sin pidi nada, pero nada bek, ta existi ainda?

Mi pueblo keri, claro cu nan ta existi, claro cu nos ta existi ainda, pasobra si bo no tin e norma y virtudnan aki, bo no ta un Arubiano y bo no por yama bo mes un Arubiano!!

Hopi di nos hendenan ta ser engaña pa otronan cu tin sed pa poder, pero mi ta pidi e culto pueblo refleha y wak bon loke tras di tur e promesanan ey tin.

Pakico bo kier ta den gobernacion, pa sigui gaña nos pueblo pa cu su futuro, mientras na mes momento bo ta kita of laga kita su futuro for di su man.

Mi compatriota abo cu ta stima bo Aruba asina hopi puntra esun cu ta den gobierno den e ultimo añanan kico a pasa?

Kico a pasa cu nos dignidad cu awor e hendenan cu un cultura diferente, cu un nacionalidad diferente y otro idioma, ta esnan cu nan ta manda bisabo den bo cas con pa lanta bo



16a. PLENARIA DE LA CONFERENCIA PERMANENTE DE PARTIDOS POLITICOS DE AMERICA LATINA "COPPAL"
Santiago - Valparaíso, 22 al 24 de Junio 1991 - Chile

famia, con pa spaar, con pa trece respet y seguridad, Dicon nos mes no por?

Kico a pasa cu nos hobenan cu caba nan estudio y no ta haya trabao, pasobra no tin placa, pero si tin

Placa pa paga salarionan astronomico na rumanan y amigonan.

Compatriotanan, no laga ningun hende o partido nunca mester kita bo dignidad, respet y honor!

No laga nan kita e futuro di bo yuinan for di bo door di gaña bo cu planan "sincero y bon", pero patras di dje tin un plan scondi pa kita tur loke ta pertenece na e pueblo.

No laga nan gaña bo cu un "plan di barrio", mientras cu nan strategia ta un "plan pa bari" bo futuro y di bo yuinan.

Compatriota nos mester stop e bagamunderianan aki, convence bo amigo, bisiña, colega di trabao, ex simpatizante cu loke ta na wega ta futuro di nos pais.

No ta importa ken a laga turismo crece of no, no ta importa ken tin miho plan of no, no ta importa ken ta trece mas trabao of no;



E pregunta ta: Ken lo trece respet!

Ken lo trece honor!

Ken lo trece dignidad!

Ken lo trece fe den nos Señor!

Ken lo trece e Arubiano su Pueblo atrobe na poder!!



Sigui cu e bon trabaonan cu bo ta
eherciando ariba tereno politico



PABIEN RUDY

INVITACION

10:00 A.M. Ponemento di krans na graf di
Sra. Mimi Croes y Betico Croes
19:00 Misa na Sta. Cruz

WLEP*

Pardilanti